

Zeitschrift: Il glogn : calender dil pievel : annalas per historia, litteratura e cultura romontscha
Band: 23 (1949)
Artikel: Sefida buca dil Franzos : canzun populara de 1798
Autor: Gadola, Guglielm
DOI: <https://doi.org/10.5169/seals-881425>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 05.05.2025

ETH-Bibliothek Zürich, E-Periodica, <https://www.e-periodica.ch>

Sefida buca dil Franzos

(Canzun populara de 1798.) Edida da G. Gadola

Ei, pil gianter, ei, ei, ei!
Tgei nuviallas ei po quei?
Frontscha vul nus enganar
Cun sia pasch amogna far.
Quel s'enricla sil davos,
Quel che sefida dil Franzos.

Empermettan quest e tschei;
Quei ch'ils pli plai, sche salvan ei.
Siarps ein ei e buca tubas;
Mettan tut lur plaids sin strubas.
Quel s'enricla sil davos,
Quel che sefida dil Franzos.

Cun rampins els rumpan tras,
Rumpan plaids sco rumper glas;
Sco'ls picturs bi malegian,
Per puder far quei ch'els gregian.
Quel s'enricla sil davos,
Quel che sefida dil Franzos.

Sco las uolps sebossan ei,
Per seglir pli ault vonzei.
Dattan lura la cambrolla
Cun lur plaids e lur parola.
Quel s'enricla sil davos,
Quel che sefida dil Franzos.

Sco Sirenas san cantar,
E la glieud vi durmentar;
Vesan, ch'ins sefida d'els,
Sche sucrodan ei lu quels.
Quel s'enricla sil davos,
Quel che sefida dil Franzos.

Melli stuccs han els el senn,
Ils traditurs els pagan bein,
Tschaffen lu per las terschollas,
Meinan lu la glieud a scolas.
Quel s'enricla sil davos,
Quel che sefida dil Franzos.